

桂

洲

詩

集

桂洲詩集卷之第十一

特選彙奏 桂國師兼李太師 高書畫殿大學 真溪夏言撰

詩 五言律詩五十首

送別三十首

送魏淺齋中丞出撫河南

送張陽峰宗伯之南都

送周泉坡司寇南還

送童官庶歸省

送吳給事使朝鮮

送管平田 冊封得便歸省

送李儀賓同年之兄

正德戊寅二月十五日奉 太后遺

詔使湖廣雲南貴州諸生張樂沈

謝須常晏七子餞別真空寺

真定別蕭東之使晉

邯鄲別李德卿

送戴時重乃叔任溧陽

送胡穆之宰建陽

送費子靜作教山陰

次劉平嵩韻送饒掌科使韓

送湯而立之厓州

送鄭少谷歸鰲峰草堂三首

送王舜夫治泉山東二首

送程子抑下第南還

贈王指揮歸茶陵

送程朝言之任大安

送胡宗充南還

贈高大行肅卿使琉球

送沈子源之霍州

送龔殿撰鳴治使朝鮮

送劉思存歸養

送方朝信出宰萍鄉

戊子常山別舍翁

閒適一十首

次韻招江鵬峰過溪南

將卜居郡城寄費子美二首

夢中得

山居

次薛西原

入舟

次邵提學端峰韻

次蔣南泠

過鄭敬菴南泉書舍

題詠一十首

雙江次汪抑之韻

題黔國公栖鳳亭二首

題周充之洗心亭

書余壇官一丸道人畫卷

勁節亭二首

寄題鉛山詹氏前岡山居

送袁佩蘭出宰吾邑書目送飛鳧卷

李上舍文譽春水舟集卷

五言律詩五十首

送別三十首

送魏淺齋中丞出撫河南

御史風霜舊中丞斧鉞新
明庭選夙望重

寄在疲民襄沔流移甚江淮寇掠頻黃河有
餘潤休問蔡吳人

送張陽峰宗伯之南都

中秋明月夕別酒對長安共惜三朝老纔
登八座官園陵鍾阜側城闕大江干白髮
憂時切應多直北看

送周泉坡司寇南還

白露下庭早蒹葭一水長佳人南浦遠倦客

北風涼 聖主何爲報蒼生詎可忘閒身且
林壑公論在 朝堂

送童宮庶歸省

乍與子相別遠懷當奈何依依漢陽樹渺渺
洞庭波喜聞鶯出谷佇望鳳巢阿老子江南
興春來覺倍多

送吳給事使朝鮮

丹詔敷 宸極英儒輟瑣闥闕從雙鳳出節

擁六龍飛東日迎黃道前星護紫微海邦如
有問 聖主坐垂衣

送管平田 冊封得便歸省

王殿辭 明主銀臺輟從臣分封周典重持
節漢儀新馬度秦山暮花逢鄠杜春遙看綵
衣舞兼慰白頭人

送李儀賓同年之兄

新元朝北闕幾夜宿西堂日月瞻 龍袞雲

霄接鴈行離亭千柳細歸騎萬花香別後憐
蕭史高臺近鳳皇

正德戊寅二月十五日奉 太后遺

詔使湖廣雲南貴州諸生張樂沈
謝須常晏七子餞別真空寺

鶯柳三春候風塵萬里征 詔傳天上語節
指日南程飲餞勞諸友飛騰屬後生丈夫四
方志離別本來輕

真定別蕭東之使晉

我觀洞庭水君上太行山千里一爲別孤城
夕照間樓臺臨浩渺旌節度巒岨共說茲游
壯題詩興不慳

邯鄲別李德卿

奉使憐吾遠還鄉羨爾榮聯班辭曉陛並節
出春城客路經旬會年家再世情官亭今夜
酒何惜共深傾

送戴時重乃叔任溧陽

相逢鄞水客，忽報溧陽行。
月滿投金瀨，雲深鑄劍坑。
高才多下位，清操自賢聲。
歲晚山陰雪，牽子訪戴情。

送胡穆之宰建陽

武夷南入望，古邑傍僊岑。
城倚巖難迥，門開絳霧深。
河陽春滿樹，單父日鳴琴。
早晚螭頭立，我我白玉簪。

送費子靜作教山陰

鵝湖相國之弟

忽買山陰棹，秋風吹故園。
有懷黃閣老，相對菊花尊。
越嶠官衙近，吳洲畫舫存。
江南二三月，桃李半公門。

次劉平嵩韻送饒掌科使韓

裘馬辭燕棘，旌旗度隴長。
玉關迎使者，寶冊奉天王。
秦樹開官道，嵩雲入故鄉。
岐陽有鳴鳳，遲爾叶歸昌。

送湯而立之匡州

匡州渺何許，萬里迅孤征。
舟楫鯨波壯，樓臺蜃氣明。
無嗟行遠道，有志在蒼生。
海月秋圓夜，饒予北闕情。

送鄭少谷歸鰲峰草堂三首

故人今謝病，別去意如何。
海上青天杳，鰲峰秋月多。
攀花聊贈遠，對酒強成歌。
長憶尋君處，烟霞入薜蘿。

艱虞憐去住執手重踟躕妙句時難得思君
道轉孤茅齋青石壁畫舸白蓮湖莫訝相從
晚芳洲不負吾

芳辰送子發猶恨不同歸海國故人遠京華
舊俗非丹光走石室雲瀑響巖扉明月峰前
夕相思鴻鴈稀

送王舜夫治泉山東二首

豪雋今王子分攜勞我心天辭燕塞遠路入

魯門深東嶽雲峰裏南湖烟水潯竟須明月
夕泛舸一相尋

此日泉源使真堪水部才晴軒瞻嶽近夜舫
傍湖開名得魚龍避詩成風雨來東乘子猷
興不羨越王臺

送程子抑下第南還

遠客攜琴發修塗抱玉歸知音慨昔少至寶
識今稀落日照雄劍南風吹短衣庭闈正憶

汝鄉思欲翻飛

贈王指揮歸茶陵

世家元楚將公子後登壇伏劔辭金闕迴鞭
望王關乾坤餘殺氣江漢有驚瀾報主他年
事封侯萬里還

送程朝言之任大安

舊識閩關路題詩此驛亭溪通黯淡碧山入
武夷青咫尺鄉園在勤勞使節停風塵今羨

爾飄忽向南溟

送胡宗充南還

公子江南去西風吹別筵
城高梧葉下天遠
鴈行連再會燕門邸同趨
越郡年通家義不
薄把手重依然

贈高大行蕭卿使琉球

使節雲霄下炎邦
島嶼通客心依斗
柄波路
任天風玉帶朝衣
重金函
帝制雄歸來報

相公集卷之二十一
天子聲教百蠻同

送沈子源之霍州

把袂當春日驅車入晉陽
青袍仍作客白首獨爲郎
岐路驚心在風波入眼狂
憐才逢聖主歲晚見康莊

送龔殿撰鳴治使朝鮮

上國文章伯東夷山海寰
恩敷元子詔講毅侍臣班
雲日明關路冰霜壯客顏
承華簡

英輔早見使輅還

送劉忠存歸養

忽買江東棹君行秋水深相看一尊酒無限
故鄉心美政真難得清詩自可尋吾聞丁茂
宰百里足棠陰

送方朝信出宰萍鄉

矚邵趨庭日英標已識君如何生白髮心自
困青雲歲月憶如昨江湖惜重分爲郎看百

里芒彩動星文

戊子常山別舍翁

客路余遄邁鄉園爾獨歸關山千里隔鴻鴈
兩行飛報國心猶壯娛親願總違忝分姜氏
被愁見老萊衣

閒適一十首

次韻招江鵬峰過溪南

近得林居好饒知野趣長溪山無俗氣花鳥

自春光愛客情偏劇聞君喜欲狂明朝宜蕩
槩新酒正盈缸

將卜居郡城寄費子美二首

酷愛靈峰秀仍憐葛水清久懷游業意贖有
卜居情釣艇間依瀨茅齋靜倚城清湖栖鳳
地白首結鷗盟

山居吾最愛勝處杳難尋即買城中地仍棲
郭外林向平今日果龐老暮年心鑿石開雲

構靈峰別有岑

夢中得

佛閣岩岩起僧廊面面開潭深龍卧穩松老
鶴飛來萬里看蓬鬢諸峰對酒盃五枝丹桂
樹晚歲盛菩提

山居

夙愛林塘好移家計未遲烟霞容寄跡魚鳥
解忘機傍竹深開徑緣山曲累基竟須煩錄

事爲寄草堂贊

次薛西原

背郭茅齋僻沿堤竹徑斜
杖藜逢野客酌酒共山家
暖日薰芳草寒流漾淺沙
江村二三月處處足鸞花

入舟

東風移畫舸落日去山齋
新水漫橋過羣鷗傍槳來
三年渾卧病兩月足登臺
浩發東遊

興愁心得暫開

次邵提學端峰韻

今晨雨初霽小坐竹間亭
靄靄侵衣潤青青
入眼明節敲風韻勁梢
浥露華清安得千竿
王相攜萬里程

次蔣南泠

竹裏人稀到溪行一逕
紆葉深鳴翡翠水淺
出菖蒲上客迴驄馬
僊人送玉壺茶瓜了長

日塵土坐中無

過鄭敬菴南泉書舍

司馬園亭好城南尺五天堤長新種柳池滿
舊觀蓮出郭纔三里重遊已八年江村動幽
興何日住林泉

題詠一十一首

雙江次汪抑之韻

海內奇人物君家好弟兄卜居依勝地愛客

見高情門外青山並溪邊春水生論文忽惆
悵時事又談兵

題黔國公栖鳳亭二首

綠竹蕭蕭裏華亭面面開天寒美人遠日晚
鳳凰來粉節畱刻皮冠籜可裁清風陋蕭
史學吹向秦臺

竹徑綠雲入林間有鳳毛門開石竇小亭倚
玉峰高苔蘚逢秋雨風烟見海濤臨池足幽

興隨意一揮毫

題周充之洗心亭

美人游息地亭倚楚江
千流水元無競浮雲
且自看高花開錦繡
修竹長琅玕落日空山
裏秋風翠袖寒

書余壇官一丸道人畫卷

長夏過僊院閒房清道心
因披小圖畫轉憶
舊山林疊石孤花映疎簾
碧草深夕陽下西

苑笙鶴散空音

勁節亭二首

夕雨報孤館春風坐此亭
蒼龍露頭角紫鳳下青冥
箇箇清宜對蕭蕭靜可聽
向來塵土思不覺灑然醒

風雨晝陰陰高簷爽氣侵
對憐君子意種憶主人心
翡翠浮佳色琅玕振雅音
夜深仍秉燭照影益蕭森

寄題鉛山詹氏前岡山居

鵝湖山色裏處士草堂開
泉響千巖落松八萬壑
迴武夷通棹曲葛井近丹臺
予意在烟嶺何年訪爾來

送袁佩蘭出宰吾邑書目送飛鳧卷

僊吏分符出雙鳧
下紫冥邑連薌水碧路遶
栝山青霖雨思鄉里風烟別野
亭人言堪慰藉令尹得文星

桂洲集卷之十一
李上舍文譽春水舟集卷

春江宜放舸落日引開尊
岬轉斜連竹沙長
曲抱村琴書方命侶
簫鼓不聞喧月出仍餘
興乘流到郭門

桂洲詩集卷之第十終

桂洲詩集卷之第十二

韓愈蘇軾在國師兼今太師吏部尚書華蓋殿大學士黃溪夏言撰

詩 五言律詩二十八首

邊塞六首

次潘熙臺平寇之作二首

入車騎關

入花園口

次唐總制漁石出塞詩二首

時令三首

除夕次劉汝撫韻

中秋河西務舟中柬董進士紹

中秋夜約吳宗甫赴草堂不至兼遇

雨

物色四首

喜雨二首

房山翫月借友

小雨次呂汝德吉士韻

懷古七首

過呂公祠

經衛武公祠

朱僊鎮

謁歐陽公祠

滇南謁文廟

謁黔寧定遠二王廟二首

悲悼八首

恭挽 太皇太后

哀相國熊峰石先生二首

挽江克充婦翁傅兵馬

過臨清哭懷先人

次林旗峰挽鄭少谷二首

臨清哭先君 時奉母柩在舟

五言律詩二十八首

邊塞六首

次潘熙臺平寇之作二首

盜賊何年據兵戈累歲煩貔貅驅猛氣蛇豕
蕩餘寇風角占黃石吳鉤試白猿不勞諸將
力全仗大君恩

峭壁懸千仞危巖透一門虎狼深作穴盜賊
久盤根劍倚青羊寨旗翻白木村竟能全老
穉何以報乾坤

入車騎關

乘輅來上國立馬望中原
冰雪玄陰合沙塵
白晝昏河流雄地界石峽
壯關門借問征西
將諸軍何處屯

入花園口

路入花園口風門王峽開
佛頭攢黛獻僊掌
側丹臺澗底狻猊立雲中
劔戟排那知窮谷
裏亦有侍臣來

次唐總制漁石出塞詩二首

中丞新出塞猛士盛揚兵地失單于壘天開
漢將營旌旗連陣遠烽火近關明遙想元戎
幕風沙慘不驚

節越鎮三邊軍書下九天甲光看照鐵弓
力聽鳴絃野迥農耕度壕平戰骨填將軍振
雄武從此失狼烟

時令三首

除夕次劉汝搗韻

歲月頻來往乾坤有化機
臘從今夕盡春在異鄉歸
梅蕊遙相憶椒花舊不違
六龍江海遠何日御宮闈

中秋河西務舟中柬董進士紹

首路逢僊侶中秋見月明
扁舟向晚發永夜得同行
北望星河動南飛烏鵲驚
故園渺何處千里共含情

中秋夜約吳宗甫赴草堂不至兼遇

雨

明月虛今夕芳尊祇自斟
數峰圍小屋一水隔清砧
籬落黃花早園林白露深
可人期不至惆悵北山岑

物色四首

喜雨二首

一雨三農足應書大有年
郊祈勞 聖主帝

齊愧前賢歎畝情滋甚江湖興渺然却憐垂
釣叟閒坐白鷗邊

急雨鳴初過濃雲黯不開波濤深汨沒鷗鷺
亂驚猜芳草乘時長高帆得意回眼前增物
色病起獨登臺

房山翫月偕友

房山今夜月客好更同看輪轉峰陰靜波搖
松影寒金笳聞絕塞玉宇望長安清興俱無

已深盃且未闌

小雨次呂汝德吉士韻

喜見朝來雨農祥應早春
廉纖時乍有霖霖
漸能勻深入河流潤清依
輦路塵朝衣沾欲
濕鳴玉散楓宸

懷古七首

過呂公祠

春日邯鄲道停車僊客祠
青山猶北帶白日

忽西馳塵世真成幻浮生自可悲亦知炊未
熟更寫夢中詩

經衛武公祠

青山淇水上綠竹野雲深古廟藏春雨穹碑
下夕陰耄茲惟好學數語且傳心仰止高風
在寥寥大雅音

朱僊鎮

落日朱僊鎮臨風感慨頻山河悲故國父老

識遺民但說將軍武那知丞相嗔金牌回鐵
騎終古恨難伸

謁歐陽公祠

墻角碑猶在山頭塚已荒遺祠黯春日古道
送斜陽文藻江山潤功名簡策香臨風吊鄉
哲吾淚滿瀧崗

滇南謁文廟

蕭蕭晨趨廟城頭析尚鳴宮墻羅從吏風雨

走諸生經閣青天倚星門玉柱擎百年尊孔
教邀壤足文明

謁黔寧定遠二王廟二首

廟秩天朝祀盟存漢將功異方同血食百
代有英風俎豆宮墻壯河山帶礪雄賢孫光
世德忠孝譽方隆

血血黔王廟滇城西北隅丹青瑤殿古松栢
石門虛巢鸛吟秋雨堦泉潘曉渠光輝並功

烈瞻仰獨踟躇

悲悼八首

恭挽 太皇太后

遺詔南頒遠 慈宮北望哀
雲霄僊母馭風

雨 茂陵臺至養隆三紀
徽音遍九垓金函

鞞 御墨明向百蠻開

哀相國熊峰石先生二首

四朝聞大老 一世見斯人
清廟虛梁棟中原

失鳳麟秦山千仞氣砥柱百年身悵望空流
涕長歌獨愴神

黃閣中朝貴青山故里貧絲綸開日月袞烏
下風塵直節晚逾峻孤忠老更真存亡關國
步出處重儒紳

挽江克充婦翁傳兵馬

閱世空懷古傷心又失公自存仁者靜誰識
達人窮堂掩三槐影門餘五柳風承家有賢

嗣佳壻更乘龍

過臨清哭懷先人

酷烈他年事淒涼此地過功名身後在遺愛
眼前多旅歿悲齊葬蒐招泣楚歌顯揚猶在
念血淚欲成河

次林旗峰挽鄭少谷二首

尚憶相逢日鰲峰舊草堂冠裳無俗韻林壑
有輝光祇惜江湖遠俄驚麟鳳傷暮年知己

少愁絕海天長

京國重逢地論文幾夜深宦情貧到骨時事
痛關心慷慨南征疏希寥少谷音聲名滿江
海踪跡只山林

臨清哭先君

時奉母柩在舟

昔侍先君地重經倍愴然音容通夕夢血淚
灑秋天旅柩還鄉日衰麻去國年高堂雙寂
寞腸斷九重泉

桂洲詩集卷之第十二終

桂洲詩集卷之第十三

特選光祿寺丞程顥師兼太子太師更部書畫蓋殿學士真溪夏言誤

詩 五言排律八首

扈從一首

雪後 駕入 太廟

遊覽二首

游沈道士館次薛君采

游龍泉洞寺十二韻

東贈一首

贈李尚書

送別四首

贈王德深僉憲兵備沂洲

送大司馬王陽明總督兩廣

送葉朝信判南雄治盜

送彭于喬作教大野

步虛詞三十四首

應制

萬壽節設醮朝天宮五首

恭和 御製鍾粹宮成奉安玄真二

首

萬壽節醮壇七首

聖壽醮筵一十首

聖節祝壽一十首

五言排律八首

扈從一首

雪後 駕入 太廟

鳳輦乘春下 龍旂拂曙來
雪消僊陛靜雲

擁 御樓開素色凝 天籟清光繞 帝臺

禮成 三后配樂奏八音諧
瑞日隨鈞轉條

風應律迴小臣歌 帝德願上萬年丕

遊覽二首

游沈道士館次薛君采

避暑尋僊客羸驂曉獨乘洞門深更入雲閣
迥還登陡覺神疎豁何妨氣鬱蒸飄颻凌太
華颯爽挹層氷古院青霞闕幽牕碧霧層僊
翁七返竈王母九光燈玉立篔簹節銀含芍
藥稜方壺凝縹緲閭闔望凌兢白雪慙難和
清尊罷未能迴鞭日西夕徑度石橋澗

游龍泉洞寺十二韻

谷口鳴騶入山腰飛蓋停霜厓紛皓縞雲壁

爛空青鴈塔迎風迥龍潭浴日腥鐘聲飄磧
戶香氣墮巖扃五色曇花眩三生佛地靈鼠
餐蒼洞雪鶴下紫烟汀落日千峰合寒空萬
木零暮林霏慘慘觸石潘泠泠峭峽欹欹度
迴谿窈窕經懸蘿挂凍藟叢桂闕幽馨野趣
尋攸遺塵心浣易醒撫時悲代謝覽跡慨沉
冥

東贈一首

贈李尚書

司馬當朝傑 天王寵數隆
遭逢今代少 籌畫古人同
節槩冰霜厲 文章錦繡工
妙齡擢高第 華省振英風
夙抱經邦器 常懷濟世功
憲綱資整肅 國計藉通融
盜賊干戈裏 江山戰伐中
帝心斯簡在 兵本遂歸公
機務參宸斷 謀謨協帝衷
重臣專節鉞 大將領元戎
羣策牢籠屈 諸蠻節制通
折衝每樽俎 指

授盡英雄羽捷馳燕闕綸褒出漢官釣衡地
密勿師保爵尊崇晉錫勞三接 天恩慶再
逢子房多秘計諸葛有精忠白髮憂匡國丹
心誓匪躬長城壯截莫砥柱屹穹窿勲業旂
常備聲名海嶽空作歌示無極千載繼彤弓

送別四首

贈王德深僉憲兵備沂州

楚楚西臺彥煌煌東土行權兼虎臣寄威重

薦冠聲手握蕭何律
胷藏范老兵
風霜凌壯節
山嶽撼雄名
猛士羅金戟
諸軍拜玉旌
令嚴新幕府
采變舊行營
坐使搶攬退
終令海岱清
雙龍輝寶劍
萬里屹長城
部曲躬耕作
閭閻樂太平
遙瞻大將氣
偏傍法星明

送大司馬王陽明總督兩廣

聖主資文武
中軍得范韓
尚書初出閩
上將復登壇
日月廻龍節
風霜壓薦冠
先聲諸路

動雄略萬夫看珠虎懸金印旌旗擁玉鞍星
營才斗振雲陣鳥蛇盤海色羊城闕山形象
郡寒坐令歸壤地行見滅兇殘蠻獠祠諸葛
蒼生倚謝安還朝畫麟閣勲業炳如丹

送葉朝信判南雄治盜

凌江通百粵庾嶺控諸蠻形勢雄旁郡東南
壯此關劍鋒騰寶匣駿足出天閑鼓吹秋臨
水旌旗曉度山威防盜賊熾法禁吏民奸坐

掃豺狼窟歸參鶴鷺班

送彭于喬作教大野

舊學聞三禮新恩拜一官東書辭 聖主仗
劍出長安文譽鄉間在師模邑校看正憐遭
際晚况屬別離難楚水春將入燕山雪正寒
送君千里意日暮重憑闌

步虛詞三十四首

應制

萬壽節設醮朝天宮五首

元和凝正氣紫庭降 聖人握符宰億兆萬
化歸陶鈞清秋萬寶成會此繞電辰焚香集
衆僊翳鶴驂麒麟升壇演靈範御接咸 帝
真虎書飛三天直達太微宸玉名注金籙坐
閱千億春

至人御大寶清心符元宗吐詞諧瓊文作念
與天通絳節朝羽衣法筵敞琳宮延首三素

雲明景發太空王音振琅琅如在虛無中九
玄鑒明德 慈壽衍無窮八極滅游氛萬域
遨祥風

皇心契冲漠寅禮道極尊修誠藉淨侶陳詞
叩天闕王帝登金堂萬神羅紫垣重玄鑒精
意錫羨開洪源夜瞻北斗樞星虹耀乾坤東
海濯朝陽靈景何紛紛子孫慶千億率土諧

願言

乘天御羣龍無爲體玄默翼翼對上帝三精
享明德至化含元和王道敷正直雨暘助年
登田野茂稼稽八風日以宣出入忘帝力

皇帝億萬歲普天同壽域鏗鉉振雲門懽樂
靡終極

稽首叩丹靈飛神凌九霞空音發要眇真精
疑玉華出入無始門遨遊太清家二神見元
英五內耀金沙罡風歛以開顥氣不得遮大

羅小有天流鈴威萬邪顛
帝普玄貺布護
無津涯

恭和 御製鍾粹宮成奉安玄真二
首

金宮啓中禁玉榜揭嘉辰祥光導靈貺精意
禮明神壽祉介 慈毋胤祚膺 聖人大哉
馨香德允矣格高旻

中天騰瑞氣北斗會元辰絳節紛朝 帝金

鐘靜集神精靈通海嶽福履協天人彩婺輝
南極前星耀紫旻

萬壽節醮壇七首

寶笈開三洞琅書秘九玄飛符朝上帝執
檢御羣僊白日含珠景丹天凝紫烟餐霞有
靈訣未許世人傳

珠幘拖琳帔文褙曳玉璫冥心躡靈景稽首
覲虛皇貝闕青雲氣霞官紫石光未須生羽

翼聊復得翱翔

玄圃紛朝采丹丘耿夜光
僊都凌縹緲天路入微茫
映日青華室流雲紫翠房
應知握元氣冲舉自無方

一氣超無始三靈合太清
谷神元混沌天籟自分明
採藥蓬萊近排空羽翮輕
如聞王子晉緱嶺夜吹笙

紫府龍泥印丹臺鳳篆文
羽衣飄素雪芝蓋

結彤雲玉洞香花散璇空妙樂聞 至人觀
內景真氣自氤氳

明月夜迢迢天風鶴背高空香萬靈集雲馭
百神朝絳闕星辰麗瑤臺烟霧饒三山山下
水清淺不通潮

聖主躬玄默生民仰泰熙王符貞帝曆金
籙介 皇釐堯舜真堪金松喬端可期萬年
長御字王道自希夷

聖壽醮筵一十首

玉律調元氣金扉啓瑞氛
九微朝絳節八會演玄文
瓊圃三花樹瑤空五色雲
霓旌將羽葆飛舞自繽紛

華渚流虹日樞星繞電辰
普天歸善頌一本報明禋
宮樹飄僊馭天花散帝宸
碧壇新月色揚影共千春

玉露清秋節金波朗月光
虛皇靈壽杖真宰

洞玄章殿錫三元慶祥占萬壽康飄飄瞻

二聖按轡白雲鄉

精意通三寶齋心禮上穹逍遙 二聖駕陟

降五雲中蘭室追懷日華胥憶繞虹尚資清
淨理報答藜莪功

精感天顏喜靈徠日馭飛諸真森侍衛率土
共瞻依聖化超三五仁風式九圍從茲歷千

祀王道日巍巍

五緯纏東井繁星拱北辰萬方朝玉帛列辟
奉宗禋五百河清會三千嶽降神共承精白
意一德契玄真

東帝長生籙西池宴喜筵七真飛桂蓋五鳳
下芝田樂合鈞天奏歌宣太上篇玉芝餐沆
瀣自可致延年

妙想存元覺靈心格至誠一神開混闢萬有
荷生成家鄧翔金闕游行戴紫清天衢諒無

礙由此達長生

日晃映芙蓉霄衣拂霧濃萬邦趨禹會三祝
頌堯封孝理隆先祀玄心契道宗欲知靈貺
錫 聖壽擬喬松

五玉分蘭席千官捧桂筵晃旒朝日月殿陞
接人天白鶴盤香篆青鸞下彩烟諸真何以
頌特奏紫芝篇

聖節祝壽一十首

長生臺殿曙絳氣藹氤氳天樂含風度宮栳
醉日昕萬年編帝曆四海祝堯雲大德叅元
化旁流至治芬

祥雲籠鳳闕瑞藹湧龍池願上堯封祝賡歌
天保詩皇圖今有象寶契屬無爲歲歲瑤池
樂霞漿汎玉卮

紫樞占繞電華渚應流虹出震乘時泰當離
翊運隆 至人扶大化景命集王躬式睹呈

祥旦霞光被絳宮

河清元有兆 聖壽永隆昌
嗣服朝萬國 重明照八方
御筵陳鎬宴 壽酒捧堯觴
鶴吹來 歌曲鸞駢列舞行

稽首玉壇上 祥光鬱嵯峨
龍飛沾雨露 虎變沛江河
帝德凝宸極 皇風靜海波
遙瞻 萬壽闕 紛藹五雲多

蓬瀛水清淺 僊寰閱歲華
西桃已成實 東棗

復如瓜尋真衆妙門謁帝太清家真人葆元
氣神光凌紫霞

緘誠啓祕祝封檢叩真玄願錫千秋日長爲
萬姓天祚風生桂闕喜氣藹蘭烟爲念劬勞

日 皇情倍愴然

僊盃擎湛露空樂下鈞天九霞開壽域萬舞
戴熙年婆娑五老桂羅列八公筵願奉咸英
曲長歌黼扆前

濟濟皇階泰熙熙景運嘉恭憑元始力永祚
帝王家珠旆盤香霧瑤壇映彩霞晴空九萬
里簌簌散天花

日月清都麗宮壇壽籙開祥雲三極殿僊露
萬年丕玉燭調千曆金甌奠九垓前星森北
極光景麗三台

桂洲詩集卷之第十三終